

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Kur krimi mbërrin në majën e inteligjencës shqiptare
ADRESA	https://boldnews.al/2026/09/23/kur-krimi-mberrin-ne-majen-e-inteligjences-shqiptare/
BURIMI	boldnews.al
GJENDJA	online

KOHA


KAPUR NGA NE	23 shtator 2026, 19:53:48 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	23 shtator 2026, 19:49:07 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	8d8afce19143a729f8946a3841e39b8b4d6d69757377be78f6cc9b397aaa980e
TEKSTI	beadc3a9eda4514b4cd16b081bdc893266601c2322e47f0555e2c7bc3147d5a9
PAMJA	7abc97630c6f8f9dcb022e07fc12b79a2f3c6a0a5fc2d9aec3278973f2170b8b

ZINXHIRI I PROVËS

KJO HYRJE	740b1ce1ef8612e21191226822a1cd3fbf7880fbdefd4bfbcaaeafbda933f2479
E MËPARSHMJA	—
RRËNJA MERKLE	55f810520a93a3fb0649992dafdc0630325acd6490d1af12697ee3ba7602edf3
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahaso hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

https://scan.stamles.eu/verify/740b1ce1ef8612e21191226822a1cd3fbf7880fbdefd4bfbcaaeafbda933f2479

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Fillimi > AKTUALITET

Kur krimi mbërrin në majën e inteligjencës shqiptare

Çështja Vlora Hyseni ka hapur një debat për marrëdhëniet mes shërbimit sekret, pushtetit politik dhe rrjeteve të dyshuara kriminale.

21:49 : 23/09/2026 në AKTUALITET, KRONIKE, KRYESORE



Masa e arrestit ndaj drejtueses së Shërbimit Informativ të Shtetit ka hapur një nga pikëpyetjet më të pazakonta të viteve të fundit: çfarë ndodh kur dyshimet për lidhje me një rrjet kriminal mbërrijnë deri te institucioni që duhet të mbrojë sekretet e shtetit?

Në Shqipëri, informacioni sekret është një monedhë që nuk duhet të dalë nga duart e shtetit. Aq më pak nga duart e atyre që janë ngarkuar ta ruajnë atë.

Por tani, një nga institucionet më të mbyllura të republikës është vendosur në qendër të një hetimi penal.

Vlora Hyseni, drejtuese e Shërbimit Informativ të Shtetit, është përballë një mase arresti dhe akuzave që, nëse do të provoheshin, do të preknin jo vetëm përgjegjësinë e saj individuale, por edhe mekanizmat e sigurisë së shtetit.

Lexo edhe:

[Gazetarja: Ndërkombëtarët kërkuar ndërhyrjen e SPAK, aksesit i Agasit të SHISH ngriti pikëpyetje](#)

[9 faqet e SHISH në makinën e Agasit, bashkëpunim apo nxjerrje informacioni? Ku nis përgjegjësia penale?](#)

Në materialet e rrjedhura, emri i saj shfaqet në komunikime me Ergys Agasin, një biznesmen kontrovers nën hetim për disa vepra penale që kanë të bëjnë me “grup të strukturuar kriminal”, “korrupsion aktiv”, “pastrim parash”, “konkurrencë të paligjshme”, “heqje të paligjshme të lirisë” dhe “shkelje të barazisë së pjesëmarrësve në tendera”.

Dhe pikërisht këto komunikime kanë ndezur një debat që tashmë shkon përtej pyetjes nëse një zyrtarë ka shkelur ligjin.

Në materialin e publikuar për komunikimet mes Hysenit dhe Agasit, një pjesë e bisedave

TË GJITHA



Kur krimi mbërrin në majën e inteligjencës shqiptare

21:49 : 23/09/2026



Gazetarja: Ndërkombëtarët kërkuar ndërhyrjen e SPAK, aksesit i Agasit të SHISH ngriti pikëpyetje

21:42 : 23/09/2026



Djali vdiq, mbesa 3-vjeçe me sëmundje të keqe, e moshuara në lot: Gjykata më zvarrit

21:33 : 23/09/2026



Foshnja në karrocë aksidentohet në vijat e bardha në Korçë, e mitura me frakturë në kokë

21:24 : 23/09/2026



EMRI/ Arrestohet në Itali 47-vjeçari i dënuar me 15 vite burg për trafik emigrantësh

21:10 : 23/09/2026



Korrupsioni dhe pushteti në Shqipëri, gazetarja zbulon prapaskanat e dokumentarit austriak

20:58 : 23/09/2026



9 faqet e SHISH në makinën e Agasit, bashkëpunim apo nxjerrje informacioni? Ku nis përgjegjësia penale?

20:42 : 23/09/2026

lidhet me lëvizjet e këtij të fundit dhe me kontakte të zyrtarëve të lartë.

Në një prej komunikimeve, Hyseni i shkruan Agasit:

“Skënderi më thirri me u taku të hënën... Të shpresojmë që ka porosit km...”

Dhe në një tjetër komunikim, sipas materialit, ajo i referohet një takimi me kryeministrin.

Janë fjali të shkurtra, të shkëputura nga një komunikim më i gjerë, që kanë ngritur dyshimin se marrëdhënia mes një drejtueseje të shërbimit sekret dhe një individi nën hetim mund të ketë qenë më shumë se një kontakt i zakonshëm.

Analisti Redi Shehu e sheh këtë ngjarje të lidhur me kryeministrin e vendit. Në reagimin e tij, ai e konsideron akuzën ndaj Hysenit jashtëzakonisht të rëndë dhe ngre pyetjen se si një grup kriminal mund të arrijë deri në nivelet më të larta të aparatit shtetëror.

“Nuk mundet asnjë grup, sado i fuqishëm të jetë, të depërtojë në këto nivele pa mbrojtjen dhe dijeninë e kreut të qeverisë”, shkruan Shehu.

Për ekspertët e sigurisë, çështja ka edhe një dimension që nuk lidhet drejtpërdrejt me fajësinë apo pafajësinë e Hysenit. Lidhet me besimin.

“Është një fyerje shumë e rëndë për shtetin dhe për imazhin e Shqipërisë e të shqiptarit që shefja e shërbimit sekret të vendit të akuzohet se jo vetëm ndihmon individë të përfshirë në grupe kriminale, por edhe u jep informacione të klasifikuara si sekret shtetëror. Një akuzë e tillë është aq e rëndë, sa vështirë të jetë e pabazuar në prova nga SPAK-u. Të godasësh kaq fort dhe aq thellë, detyrimisht duhet të jesh i sigurt si institucion, ndaj edhe GJKKO-ja e aprovoi kërkesën e SPAK-ut”, thotë Shehu.

Një tjetër ekspert i sigurisë, Xhavit Shala, argumenton se mënyra se si është zhvilluar çështja krijon një hije mbi vetë institucionin.

“Ajo kontaktet i ka marrë si përfaqësuese e Shqipërisë, cilado qoftë. Kështu krijohet një hije dyshimi mbi shtetin dhe Inteligjencën shqiptare.”

Në botën e inteligjencës, besimi nuk është një element dytësor. Shërbimet shkëmbejnë informacione mbi bazën e supozimit se strukturat që i marrin ato kanë kontroll mbi aksesin, klasifikimin dhe përdorimin e tyre.

Prandaj, një skandal që prek majën e një shërbimi inteligjent nuk mbetet domosdoshmërisht i kufizuar te individi që po hetohet.

Ergys Muzhaqi e vendos çështjen edhe më thellë në kohë.

Sipas tij, problemi nuk fillon me arrestimin e Hysenit. Ai nis që në momentin kur ajo u emërua në krye të SHISH-it.

Muzhaqi ngre pikëpyetje mbi faktin që Hyseni, e cila kishte shërbyer më parë në Kosovë dhe ishte larguar nga ai pozicion, u vendos në krye të një prej institucioneve më të rëndësishme të sigurisë shqiptare.

“Duke qenë vend anëtarë të NATO-s nivele kaq të larta të elementëve më të rëndësishëm të sigurisë sonë janë kaq të ekspozuar ndaj krimit të organizuar sa që kjo kompromenton gjithçka. Marrja e një personi jashtë vendit bëhet nëse objektivat e posaçme nuk i bën dot me personal të këtij pozicioni të rëndësishëm”, thotë Muzhaqi.

Përgjegjësi individuale

Në kampin qeveritar, reagimi ndaj masës së arrestit të kreut të SHISH-it është përqendruar te përgjegjësia individuale dhe pavarësia e drejtësisë.

Pas zhvillimeve, Rama njoftoi shkarkimin e Hysenit dhe u përpoq ta vendoste çështjen brenda një parimi të njohur: përgjegjësia individuale përballë drejtësisë.

“Pafajësia ose fajësia e një bashkëpunëtori të vendosur nën akuzë është një çështje individuale përballë prokurorisë e gjykatës”, shkruan Rama.

Narrativa e qeverisë është se një zyrtarë e akuzuar duhet të përgjigjet personalisht dhe procesi duhet t’u lihet prokurorëve dhe gjyqtarëve.

Ndërsa opozita, ngjarjen dhe materialet e rrjedhura në media i ka interpretuar si konfirmim të akuzave të ngritura më herët për lidhjet mes pushtetit, biznesit dhe strukturave kriminale. Sali Berisha ka deklaruar se “çdo gjë ka ndodhur me urdhër të Edi Ramës!”, ndërsa aktorë të tjerë të opozitës kanë kërkuar që hetimi të shkojë deri në nivelet më të larta politike.

Çështja e Vlora Hysenit tashmë ka dalë përtej një emri dhe një dosjeje.

Ajo tashmë ka prekur një nga vijat më të ndjeshme të shtetit: kufirin mes informacionit që mbrohet në emër të sigurisë kombëtare dhe informacionit që mund të përdoret nga individë me interesa private.

Nëse akuzat do të provohen, përgjegjësia nuk do të jetë vetëm juridike. Do të ngrihet pyetja se si një marrëdhënie e tillë mundi të ekzistojë kaq pranë majës së strukturës së inteligjencës dhe pse mekanizmat e kontrollit nuk e ndalën më herët.

Por ndërkohë, një tjetër proces ka nisur, më pak i dukshëm dhe ndoshta më i rëndësishëm se vetë beteja juridike dhe politike.

Është procesi i rikthimit të besimit.

Sepse një shërbim inteligjent nuk matet vetëm nga aftësia për të mbledhur informacion. Matet edhe nga aftësia për të mbrojtur informacionin, për të kontrolluar njerëzit që kanë akses tek ai dhe për të ruajtur besimin e atyre që ia besojnë sekretet e tyre.

Dosja e Vlora Hysenit tani i ka vendosur të gjitha këto mekanizma nën dritën e fortë të publikut.

Ato do të tregojnë nëse kjo ishte historia e një individi që shkeli kufijtë e detyrës, apo shenja e një problemi më të thellë në mënyrën se si shteti shqiptar mbron institucionet e veta më të rëndësishme.

Dhe tani, pikërisht ky besim është vënë në provë./ Gisela Troplini, shteg.org

Etiketa: Edi Rama | inteligjenca shqiptare | krim | shish | vlora hyseni

Lajme të lidhura



Gazetarja: Ndërkombëtarët kërkuar ndërhyrjen e SPAK, akses i Agasit te SHISH ngriti pikëpyetje

🕒 21:42 : 23/09/2026



9 faqet e SHISH në makinën e Agasit, bashkëpunim apo nxjerrje informacioni? Ku nis përgjegjësia penale?

🕒 20:42 : 23/09/2026



Dosja e SHISH, Salianji: Shteti ka rënë në duart e bandave

🕒 19:55 : 23/09/2026



Pankartat ironizuese ndaj qeverisë dhe kryeministrit: Nga Belinda te SHISH-i, krejt ekipi në pranga

🕒 19:39 : 23/09/2026



510 komunikime Hyseni-Agasi, Berisha: Pse ish-kreu i SHISH nuk u cilësua pjesë e grupit kriminal?

🕒 18:53 : 23/09/2026



Kamasutra Politike Shqiptare

🕒 17:56 : 23/09/2026

BOLD NEWS

RRETH NESH

Boldnews.al mbetet zgjedhja e parë për një lexues i cili kërkon të informohet me saktësi për një lajm. Misioni jonë kryesor është paanshëmëria dhe profesionalizmi dhe për këtë janë të punësuar gazetarët më të mirë në tregun mediatik.

Na kontakto:

NA NDIQ

f o y

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.